

# EN FROMM FRAU

Paul Justen

En fromm Frau jeit wie 't sich jebüet  
No de Mess wie 't sich jehüet.  
Als Messeläufesch allbekannt  
Hätt sei de Kersch baal ömmjerannt.

Ens hetzlich laache kaan sei net.  
Et wiet mot Büssemien jebett.  
Datt jede seit ie Frömmichkeit,  
Füe en de Bank mich sei sech breit.

Hei wiet sech mächtich oppjeplustet  
On die erennkunn streng jemustet.  
Mot iere schärpe Habischsaure  
Pröof sei ob all als Christe daure.

Jede Mensch, ob Maan ob Frau  
Bekick sei sech, - on dat jenau.  
On wie stachelich Brämelsranke  
Joon dörch de Kopp ie die Jedanke.

„Do kütt et Dreng, watt kick dat blööd,  
Schenk os von jeste noch jet möd.  
Worömm os noopesch Kett so fruh  
Watt dreit datt Frunn die Nass su huh?

Elo Jüpp soll besse drüsse bleiwe,  
Däe kick hei nue no annere Weiwe.  
Marie hätt wie et anne Kleid -  
Ech wöss ens jäe wie 't wegge jeit.

Watt maach beim Mechel loss dann senn?  
Dem fällt de Moul jo önnech datt Kenn.  
Tünn soll net laache bonnesch de Mess,  
Beim Songe rappelt seng Jebess.

Watt spillt däe Koste dann für Leede?  
Die neu Jesång die kennt net jede.  
Wäe os datt däe em Chue su pieps  
Däe hücks Ton von de Orje schliesp.

Wie senn de Messedeene an,  
Die möoten och neu Röckel haan.  
Pastue hält höck noch ens 'n Vezell  
Me weiß jo janet watt däe well.

Dank sei dem Häe en jedem Fall  
Datt ech senn fromme wie die all.“  
Andächtich wie 'n beräntes Hoohn  
Jeit sei dann zu Kummunion.

Kaum os datt letzte Leed verklunge  
Kütt sei at üss de Bank jeschpronge.  
Mot Ärm on Bein sei ömsech stüss,  
Sei dränk, sell als iesch erüss.

Die Eil, die kann me je verstoohn,  
Sei hätt ie Sonnechsfliech jedoohn.  
Herrjott, watt os die Frau doch fromm,  
Maach, dat se baal en de Himmel komm.